

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ  
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ  
N ՀՀ-ԲՆ-ԾՁԲ-17/11**

ք.Երևան

« 02 » « 02 » 2017թ.

ՀՀ բնապահպանության նախարարությունը, ի դեմս նախարարության աշխատակազմի ղեկավարի ժ/պ Հ.Հովհաննիսյանի, որը գործում է նախարարության կանոնադրության հիման վրա (այսուհետև՝ Պատվիրատու), մի կողմից, և «ՋիէնՍի-Ալֆա» ՓԲԸ-ն, ի դեմս գլխավոր տնօրեն Հ.Ֆարամազյանի, որը գործում է ընկերության կանոնադրության հիման վրա (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

- 1.1. Պատվիրատուն հանձնարարում է, իսկ Կատարողը ստանձնում է ծառայությունների մատուցման պարտավորությունը (այսուհետև՝ Ծառայություն)՝ համաձայն սույն պայմանագրի անբաժանելի մասը կազմող Հավելված N<sup>1</sup>-ով սահմանված Տեխնիկական բնութագիր-գնման ժամանակացույցի պահանջների:
- 1.2. Ծառայությունը մատուցվում է սույն պայմանագրի Հավելված N<sup>1</sup>-ով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1. Պատվիրատուն իրավունք ունի՝**

- 2.1.1. Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.
  - 2.1.2. Եթե մատուցվել է սույն պայմանագրի Հավելված N<sup>1</sup>-ում նշված Տեխնիկական բնութագիր-գնման ժամանակացույցին չհամապատասխանող Ծառայություն.
- ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը սույն պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.
- բ) Հրաժարվել սույն պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը.
- 2.1.3. Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝
- ա) մատուցված Ծառայությունը չի համապատասխանում սույն պայմանագրի Հավելված N<sup>1</sup>-ով սահմանված պահանջներին,
- բ) խախտվել է Ծառայության մատուցման ժամկետը:

**2.2. Պատվիրատուն պարտավոր է՝**

- 2.2.1. Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:
- 2.2.2. Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:
- 2.2.3. Օգտագործել իրեն մատուցվող Ծառայությունը այնպես, որպեսզի չընդհատի, խոչընդոտներ չառաջացնի կամ չթերացնի Կատարողի ցանցով մատուցվող Ծառայությունները, չթերացնի այդ ցանցով հաղորդվող տեղեկատվության գաղտնիության պահպանումը, վնաս չհասցնի Կատարողին կամ Կատարողի Ծառայություններից օգտվող այլ անձանց, վտանգ չստեղծի մարդկանց կյանքի և առողջության համար:
- 2.2.4. Համագործակցել Կատարողի հետ, երբ այդպիսի համագործակցությունը անհրաժեշտ է ապահովելու համար Ծառայությունների մատուցումը և Ծառայությունների մատուցման հետ կապված խնդիրների վերացումը:
- 2.2.5. Չօգտագործել Ծառայությունը և/կամ Կատարողի ցանցը գործող օրենսդրության խախտմամբ կամ անօրինական նպատակներով:
- 2.2.6. Չառաջարկել իրեն մատուցված Ծառայությունը (հատուցմամբ կամ անհատույց) երրորդ անձանց, ինչպես նաև չօգտագործել այն այլ էլեկտրոնային հաղորդակցության ծառայություններ մատուցելու նպատակով:



- 2.2.7. Պահպանել Կատարողի բարի համբավը և առևտրային իմիջը սույն Պայմանագրի գործողության ընթացքում և սույն Պայմանագրի լուծումից հետո:
- 2.2.8. Ձեռնարկել բոլոր միջոցները հոսթինգի կառավարմանը վերաբերող տվյալները երրորդ կողմին հասանելի չդառնալու համար:
- 2.2.9. Անմիջապես տեղեկացնել Կատարողին հոսթինգի աշխատանքներին չարտոնված միջամտության կասկածների դեպքում:
- 2.2.10. Ըստ պահանջի 3 (երեք) աշխատանքային օրվա ընթացքում Կատարողին ներկայացնել փաստաթղթեր (բնօրինակներ և/կամ ըստ կարգի հաստատված կրկնօրինակներ), որոնք հաստատում են պատվերի ձևակերպման ժամանակ ներկայացված Պատվիրատուի վավերապայմանները:
- 2.2.11. Պատվիրատուն պարտավորվում է չօգտագործել վեբ-սերվերը հետևյալ անօրինական գործողությունների համար.

- ա) Հայաստանի Հանրապետության և միջազգային գործող օրենսդրությանը հակասող ցանկացած տեղեկատվության պահպանում և/կամ տարածում.
  - բ) տեղեկությունների, ծրագրային ապահովման միջոցների հրապարակում և/կամ փոխանցում, որոնք պարունակում են վնասակար ծրագրեր և ունակ են խախտել համակարգիչների և/կամ համակարգչային ցանցերի աշխատանքը.
  - գ) գովազդային բնույթի զանգվածային չարտոնված էլեկտրոնային հաղորդագրությունների տարածում (spam), բացառությամբ այն դեպքերի, երբ հաղորդագրությունների տարածումն իրականացվում է ստացող կողմի բացահայտ համաձայնությամբ.
  - դ) հեղինակային իրավունքով պաշտպանված նյութերի տարածում՝ առանց իրավատիրոջ համաձայնության.
  - ե) համակարգի աշխատանքների խափանմանը և/կամ կրկնագործարկմանը (restart) բերող գործողությունների իրականացում, ինչպես նաև Կատարողի ռեսուրսներին չարտոնված տիրապետման փորձ.
  - զ) ցանցային ծառայությունների և/կամ պրոցեսների ստեղծում, որոնք կբերեն Կատարողի սարքերի և/կամ կապուլիների ավելցուկային բեռնվածության:
- 2.2.12. Սույն Պայմանագրի 2.2.11 կետում բերված անօրինական գործողությունների ցանկն ամբողջական չէ, և Պատվիրատուի ցանկացած գործողություն, որն օրինականության կասկած կառաջացնի, կարող է որակվել՝ որպես անօրինական:

### 2.3. Կատարողն իրավունք ունի՝

- 2.3.1. Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:
  - 2.3.2. Պատվիրատուի կողմից Ծառայությունների արժեքը սույն պայմանագրի 3.1 կետով նախատեսված կարգով չվճարելու կամ վճարումն ուշացնելու դեպքում Կատարողը սառեցնում է սույն պայմանագրով նախատեսված ծառայություն(ներ)ի մատուցումը՝ պահպանելով կայքի տվյալները վճարման վերջնաժամկետից հաշված 40 օրացուցային օր:
  - 2.3.3. Ժամանակավորապես կասեցնել Ծառայությունների մատուցումը, եթե համարում է, որ այդպիսի քայլը անհրաժեշտ է պաշտպանելու համար իր ցանցը կամ իր հաճախորդների ցանցերը որևէ վնասակար ազդեցությունից և վերականգնել Ծառայությունները միայն իր ցանցի և/կամ իր հաճախորդների ցանցերի վրա այդպիսի ազդեցության պատճառների վերացումից հետո սակայն այդ մասին անմիջապես կամ, եթե հնարավոր է, կասեցնելուց առաջ տեղեկացնել Պատվիրատուին:
  - 2.3.4. Կատարողն իրավունք ունի միակողմանի կասեցնել Ծառայության մատուցումը (դադարեցնել հոսթինգի աշխատանքը), եթե.
- ա) Պատվիրատուն մասնակի կամ ամբողջովին չի կատարում սույն Պայմանագրով ստանձնած պարտավորությունները:
  - բ) Պատվիրատուի վեբ-սերվեր չարտոնված մուտք հայտնաբերելու ժամանակ:
  - գ) Հոսթինգի ֆունկցիոնալությունը բերում է Կատարողի ծրագրային ապահովման և/կամ հեռահաղորդակցման ենթակառուցվածքների աշխատանքների խափանման:
- 2.3.5. Կատարողը վերսկսում է Ծառայությունների մատուցումը սույն Պայմանագրի 2.3.4 կետում բերված խախտումների ամբողջական վերացումից հետո:

### 2.4. Կատարողը պարտավոր է՝

- 2.4.1. Սույն պայմանագրի Հավելված №1-ով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:
- 2.4.2. Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

- 2.4.3. Սույն պայմանագրի գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:
- 2.4.4. Սույն պայմանագրով նախատեսված ծառայությունների դադարեցման օրից հաշված 6 ամիս իր պահեստային շտեմարանում պահպանել Պատվիրատուի կայքում առկա տեղեկատվությունը:
- 2.4.5. Ապահովել Ծառայությունների տեխնիկական սպասարկումը՝ համաձայն սույն Պայմանագրի Հավելված №4-ով նախատեսված «Հաճախորդի աջակցման» կարգի:
- 2.4.6. Հնարավորության դեպքում անմիջապես տեղեկացնել Պատվիրատուին իր կողմում տեխնիկական կամ ծրագրային անսարքության, պատճառով առաջացած Ծառայության ընդհատման մասին:
- 2.4.7. Տեխնիկական պլանային աշխատանքների իրականացման դեպքում տեղեկացնել այդ մասին Պատվիրատուին այդպիսի աշխատանքները սկսելուց ոչ պակաս, քան 12 (տասներկու) ժամ առաջ: Հատուկ դեպքերում, երբ անհրաժեշտ է իրականացնել անհապաղ վերականգնողական աշխատանքներ, Կատարողը կարող է տեղեկացնել Պատվիրատուին այդ աշխատանքները սկսելուց անմիջապես առաջ:
- 2.4.8. Սույն Պայմանագրում սահմանված ժամկետներում ներկայացնել հարկային հաշիվներ և կանխավճարային վճարումների մասին հիշեցումներ:
- 2.4.9. Պահպանել Պատվիրատուի բարի համբավը և առևտրային իմիջը սույն Պայմանագրի գործողության ընթացքում և սույն Պայմանագրի լուծումից հետո:
- 2.4.10. Ապահովել հոսթինգի ֆունկցիոնալությունը Պայմանագրի գործողության ողջ ժամկետի ընթացքում:
- 2.4.11. Տեղեկացնել Պատվիրատուին վեբ-սերվերի ծրագրային ապահովման նշանակալի փոփոխությունների մասին:

### 3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1. Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության ստորագրմամբ, իսկ պայմանագրի արդյունքը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով նախատեսված Ծառայության մատուցման ավարտի օրը ներառյալ Կատարողը Պատվիրատուին է ներկայացնում մատուցված Ծառայության մասին իր կողմից ստորագրված հանձնման-ընդունման արձանագրության երկու օրինակ (Հավելված №3) և պայմանագրի արդյունքը Պատվիրատուին հանձնելու փաստը ֆիքսող փաստաթուղթը (Հավելված №3.1): Սույն կետով նախատեսված պայմանի խախտումը համարվում է մատակարարման ժամկետի խախտում:

3.2. Հանձնման-ընդունման արձանագրությունն ստորագրվում է, եթե մատուցված Ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

- ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.
- բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3. Պատվիրատուն հանձնման-ընդունման արձանագրությունը ստանալու պահից տասնօրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ծառայությունը չընդունելու պատճառաբանված մերժումը:

3.4. Եթե Պատվիրատուն սույն պայմանագրի 3.3 կետով սահմանված ժամկետում չի ընդունում պայմանագրի արդյունքը կամ չի մերժում, ապա այն համարվում է ընդունված և սույն պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

### 4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա Ծառայության ընդհանուր գինը կազմում է **200 000 (երկու հարյուր հազար)** ՀՀ դրամ, ներառյալ ԱԱՀ-ն: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2. Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի Հավելված №2-

ով սահմանված վճարման ժամանակացույցով նախատեսված ամսում (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 բանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Ծառայության դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան 2017 թվականի դեկտեմբերի 20-ը:

## 5. Կողմերի ՊԱՏԱՍԽԱՆԱՏՎՈՒԹՅՈՒՆԸ

- 5.1. Կատարողը պատասխանատվություն է կրում Ծառայության մատուցման՝ սույն պայմանագրի պահանջների պահպանման համար:
- 5.2. Սույն պայմանագրի Հավելված №1-ում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:
- 5.3. Սույն պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:
- 5.4. Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:
- 5.5. Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:
- 5.6. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:
- 5.8. Կատարողը պատասխանատվություն չի կրում Պատվիրատուի առջև Ծառայությունների ընդհատումների, խափանումների և որակական ցուցանիշների անկման դեպքում, որոնց ծագման պատճառները ընկած են Կատարողի վերահսկողությունից դուրս գտնվող տարածքներում, ինչը առանց սահմանափակումների ներառում է այն հեռահաղորդակցության միջոցների խափանումները և սերվերների անհասանելիությունը, որոնք գտնվում են Կատարողի կողմից շահագործվող ցանցի սահմաններից դուրս:
- 5.9. Կատարողը պատասխանատվություն չի կրում Ծառայությունների կիրառման արդյունքում փոխանակված տեղեկատվության բովանդակության, ճշմարտացիության, օրինականության, անվտանգության, գաղտնիության և որակի համար:
- 5.10. Սույն Պայմանագրով նախատեսված ծառայությունների կապակցությամբ Կատարողը կրում է նյութական պատասխանատվություն, որը ցանկացած դեպքում չի կարող գերազանցել համապատասխան ծառայության համար Պատվիրատուի կողմից վճարված գումարը:
- 5.11. Պատվիրատուն կրում է պատասխանատվություն հոսթինգում տեղադրված տեղեկատվության համար:
- 5.12. Ցանկացած հետևանքի համար Պատվիրատուն կրում է պատասխանատվություն (այդ թվում՝ ապրանքային նշանների, ֆիրմային անվանումների և այլ մտավոր սեփականության իրավունքի խախտում), որը կարող է առաջանալ դրան անվան օգտագործումից՝ համաձայն Հայաստանի Հանրապետության օրենսդրության:
- 5.13. Ցանկացած վնասի համար Պատվիրատուն կրում է պատասխանատվություն (այդ թվում՝ ուղղակի և/կամ անուղղակի), որոնք կարող են վերաբերել իրեն կամ երրորդ կողմին սույն Պայմանագրի անբաժանելի մաս հանդիսացող Պատվեր-Հայտում բերված հոսթինգ ծառայություններից օգտվելու կամ դրա անհնարինության դեպքում:
- 5.14. Կատարողը պատասխանատվություն չի կրում վեբ-սերվերի աշխատանքների դադարի համար, եթե դա տեղի է ունեցել երրորդ կողմի մեղքով, ինչպես նաև Կատարողի կողմից չվերահսկվող իրադրությունների, մասնավորապես՝ Ինտերնետի հաղորդակցության ենթակառուցվածքների անկայունության պատճառով:
- 5.15. Սույնով Պատվիրատուն ընդունում է, որ Կատարողը չի վերահսկում Ինտերնետ միջազգային համակարգային ցանցը, այս իսկ պատճառով չի կարող տալ ոչ մի երաշխիք Ինտերնետ ցանցի որակի, հասանելիության, հուսալիության, ինչպես նաև Պատվիրատուի խնդիրների լուծմանն ուղղված հոսթինգի օգտագործման ճշգրիտ համապատասխանության համար:

ՏԵՄ ԿԱՏԱՐՈՂ ԿՈՄՊԵՆԻ ԿՈՒՆԻ

## 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

- 7.1. Սույն պայմանագրի պայմանները տարածվում են 2017 թվականի հունվարի 9-ից կողմերի միջև ծագած հարաբերությունների վրա և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:
- 7.2. Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը՝ չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:
- 7.3. Կողմերի անվանման, գտնվելու վայրի (գործունեության հասցեի), էլ.փոստի, հեռախոսահամարի, բանկային վավերապայմանների փոփոխման կամ վերակազմավորման դեպքում նրանք պարտավոր են տասնհինգօրյա ժամկետում միմյանց գրավոր տեղեկացնել տեղի ունեցած փոփոխությունների մասին:
- 7.4. Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

Արգելվում է սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

- 7.5. Ծառայության մատուցման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության առկայության դեպքում՝ պայմանով, որ՝ Պատվիրատուի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով:

- 7.6. Սույն պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

- 7.7. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:
- 7.8. Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն, «Ինտերնետով հրապարակային և անհատական ծանուցման մասին» ՀՀ օրենքի 10-րդ հոդվածի համաձայն, ուղարկում է Կատարողի պաշտոնական էլեկտրոնային փոստի հասցեով և միաժամանակ նույն օրը հրապարակում է [www.gnumner.am](http://www.gnumner.am) հասցեով ինտերնետային կայքում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետում նշված կայքում հրապարակվելուն հաջորդող օրվանից:
- 7.9. Սույն պայմանագիրը կազմված է 6 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի հավելվածներ 1; 2; 3; 3.1 և 4 հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:
- 7.10. Սույն պայմանագրից ծագած կողմի վճարային պարտավորությունը չի կարող դադարել՝ այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:
- 7.11. Սույն պայմանագրի նկատմամբ կիրառվում է Հայաստանի Հանրապետության իրավունքը:

**8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

**ՊԱՏՎԻՐԱՏՈՒ**

ՀՀ բնապահպանության նախարարություն  
 ք.Երևան, Կառավարական 3-րդ շենք  
 ՖՆ աշխատակազմի գործառնական վարչություն  
 ՀՀ 900011007854  
 ՀՎՀՀ 02507198  
 Հեռախոս՝ +374 11 810 084  
 էլ. փոստ՝ admin@mnp.am

ՀՀ բնապահպանության նախարարության  
 կողմի ղեկավարի ժ/պ  
**Սեդրակյան**



**ԿԱՏԱՐՈՂ**

«ՋիէնՍի-Ալֆա» ՓԲԸ  
 Կոտայքի մարզ, ք.Արմվյան, Խաղաղության փ. 1  
 «Կոնվերս բանկ» ՓԲԸ  
 ՀՀ 1930011980040100  
 ՀՎՀՀ 00096001  
 Հեռախոս՝ +374 60 46 99 01  
 էլ. փոստ՝ info@rtarmenia.am

«ՋիէնՍի-Ալֆա» ՓԲԸ-ի  
 գլխավոր տնօրեն  
**Շարամայան**  
 (ստորագրություն)  
 Կ.Տ.

*(Handwritten signature of Sedrakyan)*

*(Large handwritten signature at the bottom left)*

ՅԵՁԱԿԱՆ ԿՐԹԱԿԱՆՈՒԹՅԱՆ ԿԵՆՏՐՈՆ

Հավելված N°1  
 « 02 » « 02 » 2017թ. կնքված  
 N°ՀՀ-ԲՆ-ԾՁԲ-17/11 պայմանագրի

**ՊԱՏՎԻՐԱՏՈՒ**

ՀՀ բնապահպանության նախարարություն  
 ք.Երևան, Կառավարական 3-րդ շենք  
 ՖՆ աշխատակազմի գործառնական վարչություն  
 ՀՀ 900011007854  
 ՀՎՀՀ 02507198  
 Հեռախոս՝ +374 11 810 084  
 Էլ. փոստ՝ admin@mnp.am



Վարչության նախարարության  
 Վարչության ավագանիի ավագարի ժ/պ  
 Վահան Կյանյան  
 (ստորագրություն)

**ԿԱՏԱՐՈՂ**

«ՋիէնՍի-Ալֆա» ՓԲԸ  
 Կոտայքի մարզ, ք.Աբովյան, Խաղաղության փ. 1  
 «Կոնվերս բանկ» ՓԲԸ  
 ՀՀ 1930011980040100  
 ՀՎՀՀ 00096001  
 Հեռախոս՝ +374 60 46 99 01  
 Էլ. փոստ՝ info@rtarmenia.am

«ՋիէնՍի-Ալֆա» ՓԲԸ-ի  
 գլխավոր տնօրեն  
 Հ.Տարամազյան  
 (ստորագրություն)  
 Կ.Տ.

**ՏԵԽՆԻԿԱԿԱՆ ԲՆՈՒԹԱԳԻՐ-ԳՆՄԱՆ ԺԱՄԱՆԱԿԱՑՈՒՅՑ**

| Հոսթինգ ծառայություն (mnp.am)                                       |  |
|---|--|
| POP3/IMAP E-mail հասցեներ   | 200  |
| Կոշտ սկավառակի տարածք   | 20 Gb  |
| Ամսական թողունակություն   | Անսահմանափակ   |
| Apache, PHP, MySQL, PostgreSQL                                      | Այո  |
| Տվյալների բազաների քանակ  | Անսահմանափակ   |
| FTP հաշիվներ  | Անսահմանափակ   |
| Հավելյալ դոմեններ   | 10   |
| Սուբդոմեններ  | Անսահմանափակ   |
| Մեկ քլիքով տեղադրվող սկրիպտերի փաթեթ                                | Այո  |
| Օպերացիոն համակարգ  | Linux  |
| Կառավարման պանել  | Cpanel   |
| Տեխնիկական ցուցումներ   |  |
| «ԴՈՍ» հարձակումներից պաշտպանության տեխնիկական նվազագույն պահանջները | ՀՀ կառավարության 20.10.2016թ. «Պետական մարմինների կողմից «Ինտերնետ կապի տրամադրում» ծառայության գնման գործընթացին ներկայացվող նվազագույն պահանջները հաստատելու մասին» 1069-Ն որոշմամբ սահմանված: |
| Ծառայության մատուցման սկիզբը  | « 09 » « հունվարի » 2017թ.   |
| Ծառայության մատուցման ավարտը  | « 20 » « դեկտեմբերի » 2017թ.   |

ԲՆԱՊԱՀԱՊԱՆՈՒԹՅԱՆ ԵՎ ԿՈՆՍԵՐՎԱՏՈՒՄԻ ՆԱԽԱՐԱՐՈՒԹՅԱՆ ՎԱՐՉՈՒԹՅՈՒՆ

Հավելված №2  
 « 02 » « 02 » 2017թ. կնքված  
 №ՀՀ-ԲՆ-ԾՁԲ-17/11 պայմանագրի

**ՊԱՏՎԻՐԱՏՈՒ**

ՀՀ բնապահպանության նախարարություն  
 ք. Երևան, Կառավարական 3-րդ շենք  
 ՖՆ աշխատակազմի գործառնական վարչություն  
 ՀՀ 900011007854  
 ՀՀ 02507198

Հեռախոս՝ +374 11 810 084  
 Էլ. փոստ՝ admin@mnpp.am

Բնապահպանության նախարարության  
 աշխատակազմի ղեկավարի ժ/պ



**Տ. Տարսնազյան**  
 (ստորագրություն)  
 Կ.Ց.

**ԿԱՏԱՐՈՂ**

«ՋիէնՍի-Ալֆա» ՓԲԸ  
 Կոտայքի մարզ, ք. Աբովյան, Խարդողության փ. 1  
 «Կոնվերս բանկ» ՓԲԸ  
 ՀՀ 1930011980040100  
 ՀՀ 00096001

Հեռախոս՝ +374 60 46 99 01  
 Էլ. փոստ՝ info@rtarmenia.am

«ՋիէնՍի-Ալֆա» ՓԲԸ-ի  
 գլխավոր տնօրեն

**Բ. Տարսնազյան**  
 (ստորագրություն)  
 Կ.Ց.

**ՎՃԱՐՄԱՆ ԺԱՄԱՆԱԿԱՑՈՒՅՑ**

| Գնման արարկայի՝ ծառայության անվանումը | Ֆինանսավորումը Հայաստանի Հանրապետության 2017 թվականի պետական բյուջեից, ընդ որում՝ (ըստ ամիսների աճողական կարգով) |         |             |       |       |              |        |         |             |           | Ընդամենը |          |           |       |
|---------------------------------------|--|---------|-------------|-------|-------|--------------|--------|---------|-------------|-----------|----------|----------|-----------|-------|
|                                       | I եռամսյակ   |         | II եռամսյակ |       |       | III եռամսյակ |        |         | IV եռամսյակ |           |          |          |           |       |
|                                       | հունվար  | փետրվար | մարտ        | ապրիլ | մայիս | հունիս       | հուլիս | օգոստոս | սեպտեմբեր   | հոկտեմբեր |          | նոյեմբեր | դեկտեմբեր |       |
| 1. Հոսքինգ ծառայություն               | -  | 50.0    | 50.0        | 100.0 | 100.0 | 100.0        | 150.0  | 150.0   | 150.0       | 200.0     | 200.0    | 200.0    | 200.0     | 200.0 |

(խազար դրամ)



**ՊԱՏՎԻՐԱՏՈՒ**

ՀՀ բնապահպանության նախարարություն  
 ք.Երևան, Կառավարական 3-րդ շենք  
 ՖՆ աշխատակազմի գործառնական վարչություն  
 ՀՀ 900011007854  
 ՀՎՀՀ 02507198

**ԿԱՏԱՐՈՂ**

«ՋիէնՍի-Ալֆա» ՓԲԸ  
 Կոտայքի մարզ, ք.Արուսյան, Խաղաղության փ. 1  
 «Կոնվերս բանկ» ՓԲԸ  
 ՀՀ 1930011980040100  
 ՀՎՀՀ 00096001

**ԱՐՁԱՆԱԳՐՈՒԹՅՈՒՆ N  
 ՀԱՆՁՆՄԱՆ-ԸՆԴՈՒՆՄԱՆ**

« \_\_\_\_\_ » « \_\_\_\_\_ » 2017թ.

Պայմանագրի /այսուհետ՝ Պայմանագիր/ անվանումը՝ **Պետության կարիքների համար ծառայությունների մատուցման պետական գնման պայմանագիր**

Պայմանագրի կնքման ամսաթիվը՝ « 02 » « 02 » 2017թ.

Պայմանագրի համարը՝ №ՀՀ-ԲՆ-ԾՁԲ-17/11

Պարվիրատուն՝ ի դեմս ՀՀ բնապահպանության նախարարության աշխատակազմի ֆինանսատնտեսական վարչության ֆինանսահաշվապահական և տնտեսական բաժնի պետ-գլխավոր հաշվապահ Լ.Սինանյանի, և Պայմանագրի կողմն՝ ի դեմս «ՋիէնՍի-Ալֆա» ՓԲԸ-ի գլխավոր տնօրեն Հ.Ֆարամազյանի, հիմք ընդունելով Պայմանագրի կատարման վերաբերյալ « \_\_\_\_\_ » « \_\_\_\_\_ » 2017թ. կազմված՝ գնման հայրը նախագծած ներկայացուցչի N\_եզրակացությունն այն մասին, որ Պայմանագրով նախատեսված՝ սպորտ նշված ծառայությունները համապատասխանում են Պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

| N | Մատուցված ծառայությունների |   |  |         |  |         |                                     |  |
|---|----------------------------|---|--|---------|--|---------|-------------------------------------|--|
|   | անվանումը                  | տեխնիկական բնութագրի համառոտ շարադրանքը | քանակական ցուցանիշը                            |         | կատարման ժամկետը                               |         | Վճարման ենթակա գումարը /հազար դրամ/ | Վճարման ժամկետը /ըստ վճարման ժամանակացույցի/ |
|   |                            |   | ըստ պայմանագրով հաստատված գնման ժամանակացույցի | փաստացի | ըստ պայմանագրով հաստատված գնման ժամանակացույցի | փաստացի |                                     |  |
|   |                            |   |  |         |  |         |                                     |  |
|   |                            |   |  |         |  |         |                                     |  |
|   |                            |   |  |         |  |         |                                     |  |

Վերոհիշյալ ծառայությունների մատուցման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց


ստորագրություն

ազգանուն, անուն  
 Կ.Տ.

Ծառայությունն ընդունեց

ստորագրություն

ազգանուն, անուն  
 Կ.Տ.



**ԱԿՏ N**

**Պայմանագրի արդյունքը Պատվիրատուին հանձնելու փաստը ֆիքսելու վերաբերյալ**

Սույնով արձանագրվում է, որ ՀՀ բնապահպանության նախարարության (այսուհետ՝ Պատվիրատու) և «ՋիէնՍի-Ալֆա» ՓԲԸ-ի (այսուհետ՝ Կատարող) միջև « 02 » « 02 » 2017 թվականին կնքված №ՀՀ-ԲՆ-ԾՁԲ-17/11 գնման պայմանագրի շրջանակներում Կատարողը « \_\_\_\_\_ » « \_\_\_\_\_ » 2017 թվականին հանձնման-ընդունման նպատակով Պատվիրատուին հանձնեց ստորև նշված ծառայությունները

| Ծառայության |                                  |              |
|-------------|----------------------------------|--------------|
| Անվանումը   | Քանակական ցուցանիշը<br>(փաստացի) | Չափի միավորը |
|             |                                  |              |
|             |                                  |              |

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

**ԿՈՂՄԵՐԸ**

**Հանձնեց**

\_\_\_\_\_  
 ազգանուն, անուն  
 \_\_\_\_\_  
 ստորագրություն

**Ընդունեց**

հայտը նախագծած ներկայացուցիչ՝

\_\_\_\_\_  
 ազգանուն, անուն  
 \_\_\_\_\_  
 ստորագրություն

